



22. september 2020

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Innuttaasut 18-inik ukioqalereersimasut qassit ulloq manna tikillugu NemId-imik atuinissamut nalunaarsimappat?**
- 2. Naalakkersuisunut uppersaqqunearpoq innuttaasut nunaqarfinni najugallit tamarmik NemId-mik atuinissaminnut nalunaarnissamut periarfissaqartut.**
 - a. Taamaattoqanngippat, tamatumunnga suna pissutaava?**
- 3. Innuttaasut nunaqarfinniittut NemId-imik atuinissamut nalunaarnissaminnut periarfissaqanngitsut qanoq iliussappat?**
- 4. NemId-imik atuinissamut suli nalunaarsimannginneq pineqartunut qanoq kingunearpa?**
- 5. Naalakkersuisut uppersarsinnaavaat innuttaasup ikiorneqarnissamik atorfissaqartitsisup saaffiginninnerani nunatsinni kommuneni tamani sulisut innuttaasunik ikiuisinnaasut?**
- 6. "Inuiaqatigiit digitaliusut", Nuna tamakkerlugu digitaliseeriinermut periusissiaq 2018-2021, piviusunngortinniarnera ullumikkut sumut killinnersoq Naalakkersuisunit ilisimatitsigeqqunearpoq.**
- 7. Naalakkersuisut qulakkeersinnaavaat inuiaqatigiinnik digitaliseeriinerup matuma pinnerani innuttaasut pisinnaatitaaffii innarlerneqanngitsut?**

(Inatsisartuni ilaasortaq Sofia Geisler, Inuit Ataqatigiit)

Tungavilersuut:

2018-ip ukiaani Inatsisartut akuersissutigaat isumaliutissiissut; Namminersorlutik Oqartussat ilalissagaat NemID-mik pisortat digitaliusumik signatur-iannik imaqartumik inunnt aamma inatsisit naapertorlugit

immikkoortortani sulisunut Kalaallit Nunaanni atortuulersinneqassasoq Kunngip peqqussutaagut.

Inuiaqatigiit ingerlanneqarneranni digitalinngorsaanerup nalaaniinnitsinni pingaaruteqarluinnarpoq inuit ataasiakkaat namminerminnut tunngasunik paasissutissanik aallersinnaanerat takunnissinnaanerallu. Taamatulli pingaaruteqartigivoq inatsisiliortutut paasissallugu innuttaaqataasunik ilaqarnersugut NemId-imik atuinissaminnut nalunaarnissaminnut periarfissaqanngitsunik, NemId-imik atuinissaminnut nalunaarnermi atugassaminnik kørekortimik pas-imilluunniit najugaqarfimmini pisinnaanngitsunik, tamakku illoqarfinni politeeqarfiit aqutigalugit kisimi pissarsiarineqarsinnaammata.

Kissaatigivara apeqqutima ullut suliffiusut qulit qaangiutinnginneranni akineqarnissaat.